

Quatr'asüs par l'Ardizôn

di Collettivo Ticino Riva Sinistra, Nino Jomini

Periodo: La contestazione e i movimenti di liberazione (1967-1979)

Lingua: milanese

Tags: repressione

Indirizzo: <https://www.ildeposito.org/canti/quatrasus-par-lardizon>

Sgiügatôn d'un ventasel
pèrz'in trüscia a fa il püel
rènt'ai sôchi di tusânn
c'ai gipìsan me giavânn

Ventasel s'te ghe stê
g'a sarîa bèn ôl'mistê
föeravia di sciancâ rôes
d'ul fa dâgn dènt'in di pröes

Gh'e bisugn da öen me ti
lìbar d'il zo fa e'l zo dí
nuta göss cúa o bugnôn
'nvèr Partîi Prèti e Padrôn

Vöen che a nom da tül nöen
mal in buca cun nisöen
quatr'asüs pa'n pôr matai
'l g'abia a dí sèn'risc da guai

Quatr'asüs par l'Ardizôn
sto mortu tràì'nd'un cantôn
giò da birl'a driza e manzina
a chi l'Idea ga impìs la tazina

Da famiglia sü
drüi me l'aî l'a'urzü pü
müscia i baüsc cun sciuri e driti
e al z'í scirâa cui por puariti

'nd'il zò coô da lü
nè fâm nè guèr g'an duêa'ves pü
pü da sèrvi e sfrütadur
pü balusâdi nè camûr

Tül fradii cumpâgn
e via quí mèrdi muntâa in scrâgn
un mondu metu e püsê bèl
diulamadona g'an fai la pèl

Gh'èn pensâa i pulizài

por cristi an'lur da pôc' pispài
cunt'na gip g'ân fiombâa adöss
gh'èn sgigutâa pulida i oss

Vintisèti utubar
milanöecènsesantadü
'nsü'na piazza de Milan
"capitale morale" da nöen tagliân

Ventasel che i fiur di sciês
te ve a scialâi 'nsül Vilures
sàlvan vöen par l'Ardizôn
fiur an'lü stripâa in giutôn

Quân te riprèndarê
a cûr il mondu 'nânzi e 'ndrê
dìgal a tûti che il Putèntaâ
d'un ôltar zanguì a ze imbratâa

E a tül quí maramân
lì par la mica a fa i rufiân
dìg' che i öegi di nòs spüs
'ndè'i lacrimogiân in ôlt' pìtitûs

E ma l'e coldu il manên
d'un bucieta tràì in gingên
quân che in piazza i nòs rasôn
sa scôntran cun füm e bastôn

Ventasel fa cur i vûs
che a fûria da sumenâ crûs
s'a finìs cunt'il raghöei
rosc d'urtighi e pügn da löei

Ma 'ürêmas bèn da cristiân
sa'öerum no pèrdi il patân
quân che quí dopo n'è nöen
dumandaràn cume mai vöen

'n fiöe da la lege me l'Ardizôn
'l zia restaâ öen e no miliôn...

Informazioni

Il Collettivo Ticino Riva Sinistra di Nino Jomin, era di Castano Primo; e di Castano primo era anche Giovanni Ardizzone, lo studente ucciso il 27 ottobre 1962 durante una manifestazione per la pace in occasione della Crisi di Cuba. Sull'Ardizzone già il Collettivo aveva scritto una canzone *Dopo Ardisun*